

**Convenio de colaboración entre a Consellería de Política Social e Xuventude da Xunta de Galicia e o Consorcio para o Desenvolvemento de Aplicacións para a Xestión Universitaria para a posta en marcha en 2023 e 2024 do programa integral de formación e mentoring destinado ás persoas mozas inscritas e beneficiarias do Sistema nacional de garantía xuvenil no ámbito da Comunidade Autónoma de Galicia (Xuventude Mentoring), cofinanciado pola Unión Europea no marco do Programa FSE+ Galicia 2021-2027**

## **MEMORIA XUSTIFICATIVA DA FIGURA CONVENCIONAL**

Cristina Pichel Toimil, directora xeral de Xuventude, Participación e Voluntariado da Consellería de Política Social e Xuventude

### **DECLARO**

1. No ano 2021 púxose en marcha a primeira edición do Programa integral de formación e mentoring (Xuventude Mentoring) que aunaba formación en habilidades e competencias e mentoring por parte das persoas mentoras expertas. Todo iso en colaboración e cooperación entre os ámbitos educativos, da administración pública e empresarial.

Os bos resultados acadados nas anteriores edicións avalan a continuidade deste programa polo que esta Dirección Xeral de Xuventude, Participación e Voluntariado promove a formalización co Consorcio para o Desenvolvemento de Aplicacións para a Xestión Universitaria (en adiante, Cixug), do instrumento convencional arriba referido por un período de vixencia que abrangue os anos 2023 e 2024.

2. Que o instrumento convencional ten por obxecto establecer as condicións polas que se rexerá a colaboración entre a Consellería de Política Social e Xuventude e mailo Cixug, para o financiamento pola consellería do desenvolvemento, en 2023 e 2024, do Programa integral de formación e mentoring (Xuventude Mentoring) destinado a persoas mozas que teñan rematado os seus estudos nunha universidade ou centro de estudos da Comunidade





XUNTA  
DE GALICIA

CONSELLERÍA DE  
POLÍTICA SOCIAL  
E XUVENTUDE



Cofinanciado por  
la Unión Europea

Autónoma de Galicia, inscritas e beneficiarias do SNGX no ámbito da dita comunidade autónoma no momento da súa selección como participantes do programa, co fin de favorecer a transición das ditas persoas mozas desde a vida académica á laboral.

3. Que existe converxencia de intereses entre as entidades asinantes en orden á consecución do obxecto referido.

4. Que o instrumento convencional que se pretende asinar se fundamenta no seguinte:

A Lei 6/2012, do 19 de xuño, de xuventude de Galicia, sinala no artigo 7 que constituirán obxectivos prioritarios da planificación xeral dos programas relacionados coa educación, o apoio da educación non formal da xuventude como complemento da educación regrada, co obxecto de contribuír á aprendizaxe permanente. Así mesmo, no artigo 8 recolle que a Xunta de Galicia promoverá políticas activas que favorezan o emprego xuvenil, que terán, con carácter xeral, os obxectivos da mellora da empregabilidade da mocidade, a mellora da adaptabilidade e a igualdade de oportunidades da mocidade, en especial a igualdade de oportunidades entre homes e mulleres no ámbito laboral.

Segundo o Decreto 58/2022, do 15 de maio, polo que se establece a estrutura orgánica da Xunta de Galicia e o Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, correspóndelle a dito órgano da Xunta de Galicia propoñer e executar políticas de xuventude e voluntariado, a través da Dirección Xeral de Xuventude, Participación e Voluntariado, que asume o exercicio das ditas competencias e funcións.

Que as universidades públicas galegas de Santiago de Compostela e A Coruña asinaron o 24 de febreiro de 2006 un convenio de colaboración no que se establece a creación dun consorcio destinado ao desenvolvemento de aplicacións informáticas para xestión universitaria (en adiante Cixug). O dito convenio foi publicado por Resolución do 17 de marzo de 2006, no *Diario Oficial de Galicia* número 75 do 19 de abril de 2006.

A Universidade de Vigo adhírese, de conformidade co disposto na cláusula sexta do antedito convenio, como membro activo e permanente por Acordo do Consello de Goberno de 4 de maio de 2009.





XUNTA  
DE GALICIA

CONSELLERÍA DE  
POLÍTICA SOCIAL  
E XUVENTUDE



Cofinanciado por  
la Unión Europea

De acordo co artigo 3 dos seus Estatutos, publicados por Resolución do 21 de febreiro de 2013 (DOG nº 61, do 27 de marzo de 2013) que modifican os publicados por Resolución do 17 de marzo de 2006, o Cixug ten competencia para "solicitar subvencións e asinar convenios ou contratos que redunden en beneficio das entidades consorciadas".

Ao integrar no seu seo ás tres universidades públicas de Galicia o Cixug convértese no axente aglutinador de referencia en todo o territorio galego, facilitando o nexo entre este e a Consellería de Política Social e Xuventude no que á educación superior e mellora da empregabilidade se refire.

Adicionalmente, a través dos centros, servizos e unidades que as integran, as tres universidades que compoñen o Cixug dispoñen dun amplo coñecemento sobre todos os aspectos relevantes a ter en conta en relación á formación e o apoio na busca de emprego por conta propia ou allea trala finalización dos estudos, tanto desde a perspectiva das competencias técnicas como das necesarias habilidades e competencias persoais que deben adquirir para un resultado máis eficiente.

E por último, polas competencias do Cixug como axente integrador dos desenvolvementos informáticos e procedimentais das universidades que o integran, dispón das competencias para o desenvolvemento da plataforma única de xestión e seguimento do programa.

5. Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos considerados na Lei 9/2017, do 8 de novembro, de contratos do sector público, ou outro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o o recurso á sinatura do instrumento convencional que se pretende, con exclusión doutras figuras.

Santiago de Compostela, a data de sinatura dixital

A directora xeral de Xuventude, Participación e Voluntariado

Cristina Pichel Toimil

